

TAČKA IV

Na osnovu člana 67 Statuta Univerziteta Crne Gore (Bilten UCG, br. 337/15 i 447/18) i člana 20 Poslovnika o radu Vijeća Filozofskog fakulteta Univerziteta Crne Gore, Vijeće Fakulteta je na sjednici od 9. 4. 2025. godine, donosi

POSLOVNIK
O IZMJENI I DOPUNI POSLOVNIKA
O RADU VIJEĆA FAKULTETA br. 01-1009 od 14.05.2015. godine, 01-1576 od
06.07.2015. godine i 01-4349 od 6. 12.2023. godine

Član 1

U članu 2 riječi „i Odlukom Senata“ se brišu.

Član 2

Član 3 se mijenja i glasi:

Sjednicu saziva dekan po sopstvenoj inicijativi ili na zahtjev 1/3 članova Vijeća.

Sjednica Vijeća se može zakazati i održati uživo ili elektronskim putem.

Po pravilu, sjednica Vijeća uživo zakazuje se sedam dana prije njenog održavanja, a elektronska sjednica zakazuju se tri dana prije održavanja.

Rokovi zakazivanja sjednica Vijeća iz prethodnog stava u izuzetnim slučajevima (hitnost donošenja odluka) mogu biti i kraći.

Sjednice Vijeća se održavaju po potrebi, zavisno od postojanja pitanja koja treba razmatrati na Vijeću.

U slučajevima kada zbog vanrednih okolnosti nije moguće održati sjednicu Vijeća sa neposrednim prisustvom članova, sjednica se može održati uz učešće članova Vijeća putem onlajn uključivanja.

Izuzetno, kada iz objektivnih razloga pojedini članovi Vijeća ne mogu neposredno prisustvovati sjednici, tada se mogu uključiti u rad i odlučivanje putem onlajn platforme i na taj način prisustvovati sjednici, o čemu odlučuje dekan kao predsjedavajući Vijeća.

Glasanje na sjednicama Vijeća iz stave 6 i 7 obavlja se u skladu sa članom 13 ovog Poslovnika, s tim da se članovi Vijeća koji prisustvuju sjednici putem onlajn uključivanja ne mogu izjašnjavati o pitanjima o kojima se glasa tajno.

Za donošenje odluka na elektronskoj sjednici članovi Vijeća glasaju elektronskim putem u skladu sa članom 13 ovog Poslovnika. O rezultatima glasanja elektronskim putem se obavještavaju članovi Vijeća.

Član 3

U članu 10 iza stava 4 dodaje se stav 5 koji glasi:

Ukoliko je sjednica Vijeća na kojoj se usvaja zapisnik sa prethodne sjednice elektronska, a ima primjedbi na zapisnik, date primjedbe se stavljaju na izjašnjavanje na narednu sjednicu Vijeća. Ukoliko primjedbe budu usvojene one postaju sastavni dio zapisnika na koji su date.

Član 4

Stupanjem na snagu ovog Poslovnika prestaje da važi dopuna Poslovnika o radu Vijeća Fakulteta br. 01-1576 od 06.07.2015. godine i Poslovnika o izmjeni i dopuni poslovnika o radu Vijeća Fakulteta br. 014349 od 6. 12.2023. godine

Član 5

Ovaj Poslovnik stupa na snagu danom donošenja, a primjenjuje se prvi naredni dan od dana stupanja na snagu.

DEKANKA

Prof. dr Tatjana Novović

Obrazloženje

Pravni osnov za donošenje Poslovnika o izmjenama i dopunama Poslovnika o radu Vijeća Fakulteta sadržan je u članu 67 Statuta Univerziteta Crne Gore i članu 20 Poslovnika o radu Vijeća Fakulteta. U članu 67 Statuta UCG je propisano da Vijeće Fakulteta donosi Poslovnik o svom radu, a u članu 20 Poslovnika o radu Vijeća Fakulteta da se izmjene i dopune Poslovnika vrše na način i po postupku predviđenom za njegovo donošenje.

Predmetna izmjena Poslovnika doprinosi kvalitetu rada Vijeća.